

Izjava OHR-a na konferenciji za medije međunarodnih organizacija u Mostaru

Press konferencija visokog predstavnika o Vijeću ministara BiH

Sastav vlade Bosne i Hercegovine jeste stvar za izabrano vodstvo ove zemlje ne za OHR, ali ne možemo vidjeti kako jučerašnja odluka može pomoći unapređenju reformi u ovom ključnom trenutku u odnosima BiH sa EU.

Isto tako ne vidimo kako bi prijevremeni izbori kao rezultat jučerašnje objave pomogli pokušajima BiH da se reformiše.

Prijevremeni izbori će samo odvratiti pažnju sa reformi koje BiH treba da implementira kako bi se ispunili zahtjevi studije izvodljivosti.

Izborni zakon BiH predviđa fiksni period od četiri godine između općih izbora. Cilj ove odredbe jeste da osigura stabilnost. Izmjenama izbornog zakona kako bi se dozvolili novi izbori bi rezultirali u brojnim izborima i stalnim promjenama administracije – sa značajnim dugorocnim i destabilizirajucim posljedicama.

Radni sati, politički kapital i naponi koji su potrebni da zahtjevan promjene prođu kroz Parlament bi mnogo bolje bili potrošeni na podizanje životnih standarda građana BiH i osiguravanje da BiH ispuni zahtjeve studije izvodljivosti i da se pridruži partnerstvu za mir u skoroj budućnosti.

Niko još nije spomenuo kako bi troškovi prijevremenih izbora bili izmireni, a svaki izbori koštaju oko 10 miliona KM. Treba nam biti jasno da će porezni obveznici BiH biti ti koji će podmiriti račun za ovaj politički ples.

Također treba vremena da se pripreme izbori, sadašnji zakon predviđa 170 dana, preko pet mjeseci, za pripremu izbora. Bilo bi nemoguće očekivati da se izbori održe prije proljeća 2006 – samo nekoliko mjeseci prije izbora koji su već zakazani za oktobar iste godine.

Općinski izbori koje je organizovala BiH prošle godine su opće prihvaćeni kao znak rasta demokratske ozbiljnosti. Održavanje prijevremenih izbora zbog kratkoročnih političkih ciljeva sada riskira ovo postignuće.

PDHR Butler u posjeti Banjaluci

Prvi zamjenik Visokog predstavnika, Larry Butler, boravit će danas i sutra u posjeti Banjaluci. On će održati razgovore sa zvaničnicima Republike Srpske, uključujući glavnog revizora Boška Čeku i glavne političare. Ambasador Butler razgovarat će o napretku (ili nedostatku napretka) u glavnim ekonomskim oblastima, uključujući privatizaciju, hitnoj potrebi za učešćem Republike Srpske u aktivnostima koje se trenutno vode s ciljem da Bosna i Hercegovina postane fiskalno održiva, te naporima usmjerenim ka poboljšanju standarda uprave u općinama. U razgovorima s političarima Republike Srpske on će istaknuti da ekonomske posljedice odluke Narodne skupštine Republike Srpske, kojom se zaustavlja put Bosne i Hercegovine ka Evropi, nisu beznačajne. Vodstvo Republike Srpske odaslalo je veoma lošu poruku budućim investitorima da nisu odlučni krenuti prema evropskoj budućnosti.

Na kraju posjete ambasador Butler vodit će razgovor za okruglim stolom sa studentima Banjalučkog univerziteta Fakulteta za poslovni inženjering i menadžment. Razgovor će biti posvećen poslovnom okruženju u BiH – šta su njegovi nedostaci i šta se treba učiniti da se ono poboljša. Okrugli stol održat će se u:

Četvrtak, 9. juna 2005. u 11:00 sati

Na Filozofskom fakultetu, prvi sprat, soba br. 6.

Bana Lazarevića 1., Banja Luka

Svi mediji se pozivaju da učestvuju u zadnjih pola sata debate, od 11:30 do 12:00 sati.